



**Komunikadu Imprensa**  
**14 Setembru 2022**

**Vizita Prezidente Repúblika iha JSMP:  
Diskute hodi promove serbisu no funsionamentu setór Justisa no Lejislativu**

Iha loron 14 Setembru 2022, JSMP hetan vizita ofisiál husi Sua Exelénsia Prezidente Repúblika Timor-Leste, Dr. Jóse Ramos Horta iha serbisu fatin JSMP, Kolmera, Dili. Vizita ida ne'e nu'udar eventu istóriu ba líder istóriu no Prezidente Repúblika Timor-Leste nian ida ne'ebé primeiravés halo vizita ofisiál mai iha JSMP.

Vizita ne'e nia objetivu mak atu Prezidente Repúblika bele haree, rona no diskute hamutuk kona-ba serbisu no kontribuisaun JSMP ba iha setór justisa no lejislativu no bele esplora possibilidade atu serbisu hamutuk ho Gabinete Prezidénsia Repúblika nian atu kontribui ho di'ak liu ka másimu ba hadi'ak no promove serbisu no funsionamentu setór justisa no lejislativu. Diskusaun ne'e dura oras ida nia laran.

Komitiva Prezidente nian ne'e kompostu husi ekipa jurídiku ho funsionária sira. Ekipa JSMP nian kompostu husi Diretora Ezekutiva, Jestór Progama, kordenador no funsionáriu sira.

“JSMP konsidera vizita Prezidente Repúblika mai JSMP nu'udar onra boot no marku istóriu ida ba JSMP hanesan organizaasaun sosiedade sivil ne'ebé durante ne'e tau-matan no halo advokasia ba serbisu no funsionamentu setór justisa no lejislativu nian. Prezidente Repúblika nu'udar advogadu imenente Estadu nian, liuhusi enkontru no diskusaun ne'e bele haforsa liután JSMP ninia papél iha advokasia ba hadi'ak no promove serbisu no funsionamentu setór justisa no lejislativu hodi bele asegura justisa ida ne'ebé asesivel no justu ba ema hotu ne'ebé buka justisa,” dehan Diretora Ezekutiva JSMP, Sra. Ana Paula Marçal.

Iha diskusaun ho Prezidente Repúblika, JSMP uza oportunidade ne'e hodi hato'o nia observaasaun jerál kona-ba setór justisa no lejislativu no mós sei apresenta mós ba Exelénsia Prezidente Repúblika kona-ba situaasaun alarmante no preokupante iha sosiedade Timor-Leste nia let relasiona ho kazu violénsia bazeia ba jéneru, liuliu violénsia hasoru fetu no labarik fetu sira. JSMP sei apresenta situaasaun ne'e bazeia dadus estatística monitorizaasaun JSMP nian ba iha tribunál sira iha Timor-Leste no mós dadus estatística husi assisténsia legál ne'ebé JSMP fornese ba vítima fetu no labarik sira hahú husi meadu 2020 to'o ohin loron. Situaasaun ne'e presiza atensaun másimu husi parte relevante no interesadu sira, inklui Gabinete Prezidénsia Repúblika rasik.

Rua Beco Lakateu, Aldeia Manufuik,  
Suku Colmera, Administrativu Vera Cruz  
Dili Timor Leste  
PoBox: 275

Telefone: 3323883 | 77040735

[www.jsmp.tl](http://www.jsmp.tl)

[ana@jsmp.tl](mailto:ana@jsmp.tl)

Facebook: [www.facebook.com/timorleste.jsmp](https://www.facebook.com/timorleste.jsmp)

Twitter: @JSMPtl



JUDICIAL SYSTEM MONITORING PROGRAMME  
PROGRAMA MONITORIZASAUN BA SISTEMA JUDISIÁRIU

Alende, apresenta no diskute kona-ba serbisu sira, JSMP mós sei apresenta kona-ba problema no dezafiu sira ne'ebé instituisaun hasoru durante hala'o nia programa sira.

Antes taka diskusaun ne'e, parte rua konkorda atu halo hamutuk semináriu nasional ida kona-ba efetividade funsionamentu setór justisa.

Depoizde diskusaun, JSMP entrega nia relatóriu anual setór justisa no lejislativu 2021 no entrega mós lembransa JSMP nian ba iha Exelensia Prezidente Republika.

Vizita ofisiál ne'e mai husi iniciativa Prezidente Repúblika, hafoin JSMP halo audénsia ho Prezidente Repúblika iha fulan hirak liuba hodi diskute kle'an kona-ba oinsa atu promove di'ak liután dezenvolvimentu serbisu sira iha setór justisa no lejislativu nian inklui mós asuntu sira ne'ebé ligadu ho kazu violénsia bazeia ba jéneru iha Timor-Leste.

Atu hetan informasaun kompleitu, favór kontaktu:

Ana Paula Marçal

Diretora Ezekutiva JSMP

Diresaun e-mail: [ana@jsmp.tl](mailto:ana@jsmp.tl)

Telefone: (+670) 33238883 | 77040735

Website: <https://jsmp.tl>

[info@jsmp.tl](mailto:info@jsmp.tl)

Rua Beco Lakateu, Aldeia Manufuik,  
SukuColmera, Administrativu Vera Cruz  
Dili Timor Leste  
PoBox: 275

Telefone: 3323883 | 77040735

[www.jsmp.tl](http://www.jsmp.tl)

[ana@jsmp.tl](mailto:ana@jsmp.tl)

Facebook: [www.facebook.com/timorleste.jsmp](https://www.facebook.com/timorleste.jsmp)

Twitter: @JSMPtl